





杜工部集卷之十七

虞山蒙叟錢

謙益

箋註



近體詩五十五首

大曆三年正月起  
中至江陵及湖南作

太歲日

楚岸行將老巫山坐復春病多猶是客謀拙竟何人  
閶闔開黃道衣冠拜紫宸榮光懸日月賜與出金銀  
愁寂鴛鴦行斷參差虎穴鄰西江元下蜀北斗故臨秦  
散地逾高枕生涯脫要津天邊梅柳樹相見幾迴新  
元日示宗武

汝啼吾手戰吾笑汝身長處處逢正月迢迢滯遠方  
飄零還柏酒一作葉衰病只藜床訓喻青衿子名慚白首



郎賦詩雅志  
壽更稱觴不見江東弟高歌淚數

行第五弟豐漂  
江左近無消息

遠懷舍弟穎觀等

陽雀空知處荆南近得書積年仍遠別多難不安居  
江漢春風起冰霜昨夜除雲天猶錯莫花萼尚蕭疎  
對酒都疑夢吟詩正憶渠舊時元日會鄉黨羨吾廬  
續得觀書迎就當陽居止正月中旬定出三峽  
自汝到荆府書來數喚吾頌椒添諷詠禁火上歡娛  
一作舟楫因人動形骸用杖扶天旋夔子國春近岳陽  
湖發日排南喜傷神散北吁飛鳴還接翅行序密銜  
蘆俗薄江山好時危草木蘇馮唐雖晚達終覲在皇

向程履  
在也荆南  
有韻取  
詩

山有穎  
同中  
居一  
因世

都

將別巫峽贈南卿兄漢西果園四十畝

苔竹素所好萍蓬無一作定居遠遊長兒子幾地別林  
廬雜菜紅相對他時錦不如具舟將出峽巡圃念携  
鋤正月喧鷺末茲辰放鷓初雪籬梅可折風榭柳微  
舒託贈卿家有因歌野興疎殘生逗陳作江漢何處狎  
樵漁

送大理封主簿五郎親事不合却赴通州主簿

前聞州賢子余與主簿平章鄭氏女子垂欲納  
一有鄭氏伯父京書至女子已許他族親事遂停  
祭爵去東床趨庭赴北堂風波空遠涉琴瑟幾音虛



張渥水出騏驎崑山生鳳皇兩家誠欵欵中道許蒼  
蒼頗謂秦晉匹從來王謝郎青春動才調白首缺輝  
光玉潤終孤立珠明得闇藏餘寒折花卉恨別滿江  
鄉

禁鬻 晉書袁粲欲以女妻謝混王珣曰卿莫近禁鬻

人日兩篇

元日到人日未有不陰時冰雪鸞難至春寒花較遲  
雲隨白水落風振紫山悲蓬鬢稀疎久無勞比素絲

人日 談藪魏收對北齊高祖董勛問正月一日為雞七日為人西清詩話宋人劉克曰東方朔占書一日至八日其日晴主所生之物育

陰則災少陵謂天寶亂後人 白水 山海經白水出蜀而東南注江入江州城下注江州縣屬巴郡 紫

山 後漢志廣漢郡綿竹地道記曰有紫岩山縣水之所出焉

志步思或曰正月  
以幣雨多十日食  
非重七林而極  
清正月一日雨而  
非食三日而民

題是日自  
本必先生重  
遠於一而人日檢  
逢佳日別致  
其人後  
多而  
西多日江州  
何物多別致

此日此時人共得一談一笑俗相看尊前柏葉休隨  
酒勝裏金花巧耐寒佩劍衝星聊暫拔匣琴流水自  
須彈早春重引江湖興直道無憂行路難

勝裏 荆楚歲時記正月七日為人日以七種菜為羹剪絲為人西鏡金箔為人以貼屏風亦戴之頭鬢買丸李夫人典戒人日造華勝相

遺像瑞圖金勝之形  
又像西王母戴勝也

江梅

梅藥臘前破梅花年後多絕知春意好 一作早 最奈客愁  
何雪樹元 一作能 同色江風亦自波故園不可見巫岫鬱  
嗟峨

庭草

楚草經寒碧庭春入眼濃舊低收葉舉新掩卷牙重



草名... 在... 也

行... 折... 放... 出... 峽...  
江... 陵... 一... 說... 從... 來... 結...  
定... 用... 意... 收

步履宜輕過開筵得屢供看花隨節序不敢強為容  
大曆三年春白帝城放船出瞿唐峽久居夔府  
將適江陵漂泊有詩凡四十韻

老向巴人裏今辭楚塞隅入舟翻不樂解纜獨長吁  
窄轉深啼飲虛隨亂一作落浴鳧石苔凌几杖空翠撲肌  
膚疊壁排霜劍奔泉濺水珠杳冥藤上下濃淡樹榮  
枯神女峰娟妙昭君宅有無曲留明怨惜一作別夢盡失  
歡娛擺闔盤渦沸欹斜激浪輸風雷纏地脉冰雪耀  
天衢鹿角名難真走險狼頭名難如跋胡惡灘寧變色高  
卧負微軀書史全傾撓裝囊半壓濡生涯臨臬兀死  
地脫斯須不有平川決一作快焉知眾壑趨乾坤霾漲海

雨露洗春蕪鷗鳥牽絲颺驪龍濯錦紆落霞沉綠綺  
殘月壞金樞泥笋苞初荻沙茸出小蒲雁兒爭水馬  
燕子逐檣烏絕島容烟霧環洲納曉晡前聞辨陶牧  
轉眄拂宜都縣郭南畿好路入松滋縣津亭北望孤勞心依  
憇息朗詠劃昭蘇意遣樂還笑衰迷賢與愚飄蕭將  
素髮汨沒聽洪鑪丘壑曾忘返文章敢自誣此生遭  
聖代誰分哭窮途卧疾淹為客蒙恩早厠儒廷爭酬  
造化樸直乞去江湖灑頽險相迫滄浪深可逾浮名  
尋已已懶計却區區喜近天皇寺先披古畫圖此寺有晉右軍  
書張僧繇畫孔子泊顏子十哲形像應經帝子渚同泣舜蒼梧朝士兼戎服  
君王按湛盧旄頭初傲擾鶉首麗泥塗甲卒身雖貴



書生道固殊出塵皆野鶴歷塊匪轅駒伊呂終難降  
韓彭不易呼五雲高大甲六月曠搏扶回首黎元病  
爭權將帥誅山林託疲茶未必免崎嶇

**狼頭**

輿地紀勝蜀江狼尾灘陳時屯隋兵之所屬岷州水經注江水又東流狼頭灘其水並峻激奔暴魚鱉所不能游行者常苦之其歌曰灘頭白勃堅相持倏忽淪沒別無期衣松曰自蜀至此五千餘里下水五日上水百日也宜都記曰渡流頭灘十里便得宜昌縣江水又東經狼尾灘而歷人灘按流

**金樞**

海賦天明鑿鑿於金樞之穴伏滔望海賦金樞理

**水馬**

注引本草海馬恐未是

**陶牧**

登樓賦北彌陶牧荆州記

**宜都**

水經注夔道縣漢武帝代西南夷路由此出故曰夔道矣劉備曰宜都郡治在縣東四百步故城吳丞相

**天皇寺**

歷代名畫記江陵天皇寺明皇置內有柏堂僧繇畫盧舍那佛像及仲尼十哲帝怪問釋門內如何畫孔

**蒼梧**

禮舜葬于蒼梧

**鶉首**

晉志自東井十六度至柳十八度為鶉首秦之分野屬雍

出王伯厚困  
皇紀圖句  
想日修金

云方自易陽而  
又循以相遇信  
多違也身兼杖  
身非杖不非杖  
其子周中折

**太甲**

王勃益州夫子廟碑帝東南信道七耀于中階華蓋西臨藏五雲于太甲酉陽雜俎燕公常讀王勃夫子學堂碑頌自帝車至

太甲四句悉不解訪之一公公言北斗建于七耀在南方有是之祥無位聖人當出華蓋以下卒不可悉因學紀聞晉天文志華蓋在旁六星曰六甲一星之名然未有考証

巫山縣汾州唐使君十八弟宴別兼諸公携酒樂

相送率題小詩留于屋壁

卧病巴東以今年强作歸故人猶遠謫茲日倍多違  
接宴身兼杖聽歌淚滿衣諸公不相棄擁別借光輝

春夜峽州田侍御長史津亭留宴

北斗三更席西江萬里船杖藜登水榭揮翰宿春天  
白髮煩一作須多酒明星惜此筵始知雲雨峽忽盡下牢

邊



泊松滋江亭

紗帽隨鷗鳥扁舟繫此亭江湖深更白松竹遠微一作還  
青一柱全應近高唐莫再經今宵南極外并作老人星

松滋

竊字記本漢舊縣晉咸康三年以松滋流戶在荆土者立松滋縣與地紀勝江亭在松滋縣治後杜子美孟浩然俱有詩

行次古城店汎江作不換鄙拙奉呈江陵幕府諸公

老年常道路遲日復山川白屋花開裏孤城麥秀邊  
濟江元自闊下水不勞牽風蝶勤依漿春鷗懶避船  
王門高德業幕府盛才賢行色兼多病蒼茫汎愛前  
古城水經沱江水又東逕陸抗故城北又云北對夷陵縣之故城城南臨大江此所謂古城也

首回句古城意光日  
中回句汎江時日不中  
四句乃是幕府行法  
王門句下有公自汎  
將陽城郡子樹山  
玉在印亭作任

乘雨入行軍六弟宅

曙角凌雲罷春城帶雨長水花分壑弱巢燕得泥忙  
令弟雄軍佐凡才汚省郎萍漂忍流涕衰颯近中堂

宴胡侍御書堂

李尚書之芳鄭秘監審同集歸字韻

江湖春欲暮牆宇日猶微閨闈春吳作書籍滿輕輕花絮  
飛翰林名有素墨客興無違今夜文星動吾儕醉不歸

書堂飲既夜復邀李尚書下馬月下賦絕句

湖水一作月林風相與清殘尊下馬復同傾久拚野鶴如  
霜鬢遮莫鄰雞下五更

遮莫

舊注俚語猶言儘教也

初不  
景人  
好  
動



上巳日徐司錄林園宴集

鬢毛垂領白花藥亞枝紅歌倒衰年廢招尋令節同  
薄一作蕩衣臨積水吹面受和風有喜留攀桂無勞問轉蓬

奉送蘇州李二十五長史丈之任

星坼台衡地曾為人所憐公侯終必復經術昔吳作竟相  
傳食德見從事克家何妙年一毛生鳳穴三尺獻龍  
泉赤壁浮春暮姑蘇落海邊客間頭最白惆悵此離筵

台衡

舊史李林甫有子二十五人此或是林甫幼子史云林甫自處台衡朝野側目及國忠誣構天下以為冤新史世系表林甫子僅載五人無從考據耳或云是適之之後也

暮春江陵送馬大卿公恩命追赴闕下

自古求忠孝名家信有之吾賢富才術此道未磷緇  
玉府標孤映霜蹄去不疑激揚音韻徹籍甚衆多推  
潘陸應同調孫吳亦異時北辰徵事業南紀赴恩私  
卿月昇金掌王春度玉墀薰風行應律湛露即歌詩  
天意高難問人情老易悲尊前江漢闊後會且深期

暮春陪李尚書李中丞過鄭監湖亭汎舟

得過字韻

海內文章伯湖邊意緒多玉尊移晚興桂楫帶酣歌  
春日繁魚鳥江天足芰荷鄭莊賓客地衰白遠來過  
也中奉送蜀州柏二別駕將中丞命赴江陵起居衛  
尚書太夫人因示從弟行軍司馬佐

方曰中丞相  
也中奉送蜀州柏二別駕將中丞命赴江陵起居衛尚書太夫人因示從弟行軍司馬佐











日其... 伯玉也

伯玉也

衛幕銜恩重潘輿送喜頻濟時瞻上將錫號戴慈親

此

富貴當如此尊榮邁等倫郡依封土舊國與大名新  
紫誥鸞迴紙清朝燕賀人遠傳冬笋味更覺綵衣春  
奕葉班姑史芬芳孟母鄰義方兼有訓詞翰兩如神  
委曲承顏體騫飛報主身可憐忠與孝雙美畫騏驎

鶴曰舊書大曆初伯玉丁母憂朝廷以王昉代其任諷將士請留遂起復  
再任則此詩當作于伯玉封王母同受封之時大約是大曆元年前作按  
通鑑伯玉丁母憂是大曆五年

### 江陵望幸

雄都元壯麗望幸歛威神地利西通蜀天文北照秦  
風烟含越鳥舟楫控吳人未枉周王駕終期漢武巡

鱗  
甲兵分聖旨居守付宗臣早發雲臺仗刊作恩波起涸

肅宗上元元年九月置南都于荊州以為江陵府改呂諲為尹二年罷都  
是年建卯月又詔為南都尋罷呂諲傳建請荊州置南都於是更號江陵  
府以諲為尹置永平軍萬人以遏吳蜀之衝廣德元年冬乘輿幸陝以伯  
玉有幹畧可當重寄乃拜江陵尹兼御史大夫充荆南節度觀察等使

### 江邊星月二首

驟雨清秋夜金波耿玉繩天河元自白江浦一作向來  
澄映物連珠斷綠空一鏡升餘光隱一作更漏况乃露  
華凝

金波 漢郊祀歌月穆穆以金波謝玄暉詩金波麗鸞鶴王繩低建章

江月辭風纜一作江星別霧一作船雞鳴還曙一作色鷺浴

自清川歷歷竟誰種悠悠何處圓客愁殊未已他夕



始相鮮

歷歷

古樂府天上何所有歷歷種白榆

舟月對驛近寺

更深不假燭月朗自明船金剝青楓外朱樓白水邊  
城烏啼眇眇野鷺宿娟娟皓首江湖客鈎簾獨未眠  
舟中

風餐江柳下雨卧驛樓邊結纜排魚網連檣並米舩  
今朝雲細薄昨夜月清圓飄泊南庭老秣應學水仙

水仙

侯鯖錄清冷傳曰馮毅華陰潼鄉隄畔人也服八石得水仙是為河伯一云以八月庚子浴於南河溺死出莊子大宗師第六卷義

注

遺悶

地闊平沙岸舟虛小洞房使塵來驛道城日避烏樯

一作

暑雨留蒸濕江風借夕涼行雲星隱見疊浪月光

芒螢鑿綠帷徹蛛絲罥鬢長哀箏猶凭几鳴笛竟霑  
裳倚著如秦贅過逢類楚狂氣衝看劔匣穎脫撫錐  
囊妖孽關東臭兵戈隴右瘡時清疑武畧世亂踟文  
場餘力浮于海端憂問彼蒼百年從萬事故國耿難  
忘

秦贅

賈誼傳秦人家貧子壯則出贅師古曰言其不出妻家亦猶人身之有贅

江陵節度陽城郡王新樓成王請嚴侍御判官

賦七字句同作

樓上炎天冰雪生高飛燕雀賀新成碧窓宿霧濛濛



濕朱拱浮雲細細輕杖鉞寒帷瞻具美投壺散帙有  
餘清自公多暇延參佐江漢風流萬古情

又作此奉衛王

西北樓成雄楚都遠開山岳散江湖二儀清濁還高  
下三伏炎蒸定有無推轂幾年唯鎮靜曳裾終日盛  
文儒白頭授簡焉能賦媿似相如為大夫

舟一有出江陵南浦奉寄鄭少尹審

更欲投何處飄然去此都形骸元土木舟楫復江湖  
社稷纏妖氣干戈送老儒百年同棄物萬國盡窮途  
雨洗平沙靜天銜闊岸紆鳴蜩隨泛梗別鷺起秋菰  
棲託難高卧飢寒迫向隅寂寥相煦沫浩蕩報恩珠

溟漲鯨波動衡陽雁影徂南征問懸榻東逝想乘桴  
濫竊商歌聽時憂下泣誅經過憶鄭驛斟酌旅情孤

江南逢李龜年

岐王宅裏尋常見崔九堂前幾度聞正是友議江南好  
風景落花時節又逢君作值

雲溪友議明皇幸岷山百官皆竄辱李龜年奔迫江潭杜甫以詩贈之龜  
年曾於湘中採訪使筵上唱紅豆生南国又清風朗月苦相思此詞皆王  
右丞所製至今梨園唱焉歌闋合座莫不望南幸而慘然明皇雖錄樂工  
李龜年特承恩遇于東都道通里大起第宅中堂制度甲于都下今裴君  
公移于定鼎門南別墅號綠野堂其後龜年流落江南每  
遇良辰勝景常為人歌數闋座客聞之莫不掩泣而罷岐王舊書岐  
王範好

學工書雅愛文章之士又多聚書畫古跡為時所稱開元十四年病薨鶴  
日開元十四年公年十五是時未有梨園子弟當是嗣岐王也按崔九亦  
以開元十四年卒未知鶴作何解崔九吳若本注云崔九即殿中監  
通鑑開元二年正月置梨園弟子江南王翦定荆江  
南池項羽

沈佺期李頎元

今三句教舊日下三句

不意江南復與舊  
相過坦與舊馬四  
年華去後復春初  
流落何處言表  
向步以此種物  
常規有向心  
南池項羽



此言能向元...  
自見...

更有...  
句...

首...  
指...  
請...

從義帝于江南楚辭章句襄王遷屈原于江南在江湖之間龜年方  
流落江潭故曰江南若溪漁隱云天寶後子美未嘗至江南誤矣

官亭夕坐戲簡顏十少府

情...

南國調寒杵西江浸日車客愁連蟋蟀亭古帶蒹葭  
不返青絲鞵虛燒夜燭花老翁須地主細細酌流霞

秋日荆南述懷

三十韻

昔承推獎分媿匪挺生材遲暮宮臣忝艱危袞職陪  
揚鏹禁作隨日馭折檻出雲臺罪戾寬猶活干戈塞未  
開星霜玄鳥變身世白駒催伏枕因超忽扁舟任往  
來九鑽巴嶼火三蠶楚祠雷望帝傳應實昭王問不  
迴蛟螭深作橫豺虎亂雄猜素業行已矣浮名安在  
哉琴鳥曲怨憤庭鶴舞摧頽秋雨漫湘水一云秋水陰漫湘竹

已下...  
我獨...  
自古...

風過嶺梅苦搖求食尾常曝報恩鯁結舌防讒柄探  
腸有禍胎蒼茫步兵哭展轉仲宣哀飢籍入聲家家米  
愁徵處處孟休為貧士嘆任受眾人哈得喪初難識  
榮枯劃易該差池分組冕合沓起蒿萊不必伊周地  
皆知一作登屈宋才漢庭和異域晉史坼中台霸業尋常  
體忠臣忌諱災羣公紛戮力聖慮宵禁徘徊數見銘  
鍾鼎真宜法斗魁願聞鋒鏑鑄莫使棟梁摧盤石圭  
多翦凶門轂少推垂旒資穆穆祝網但恢恢赤雀翻  
然至黃龍詎一作不假媒賢非夢傳野隱類鑿顏坏自古  
江湖客冥心若死灰

九鑽三蠶

山谷云子美入蜀下峽年月則詩中自可見其曰九鑽巴  
嶼火三蠶楚祠雷則往來兩川九年在夔府三年可知矣

有歲  
善云  
百存



茗溪漁隱曰杜又有十暑岷山葛三霜楚戶砧之句詩譜以謂公以乾元  
已亥冬至蜀不以暑計起明年庚子至是為十暑時已在湖南獨言岷山  
永泰乙巳秋至雲安雲安荆湖皆楚地至是合為五望帝望帝借以喻  
霜而云三者獨以岷中言之巴巽火用樂巴巽火事望帝立宗也代宗  
惡李輔國而不能明正其罪使盜竊其首猶昭王南征不復而周人不能  
問之于楚也昔人謂陶淵明詩悼國傷時不欲顯斥寓以他語使與漫不  
可指摘知此則昭王湘中記益陽有昭潭其下無底湘水最深處也琴  
可以讀杜詩矣

**烏** 琴錄琴曲有烏夜啼樂府解題  
烏夜啼宋臨川王義慶造也 **中台** 晉志三台六星兩兩而居起文  
位在天曰三台西近文昌二星曰上台為司命主壽次二星曰中台為司

中主宗室東二星曰下台為司祿主兵張華傳華為司空中台星折少子  
躋勸華遜位華不從遂遇害昔承推獎分公受知于房太尉也折檻出雲  
臺以救房謫官也宗臣忌諱災叙房病卒閩州公詩好用小使語庾傷司  
徒王褒詩云豈意中台坼君當風燭前王亦病卒不必以張華遇害為疑  
也房卒于廣德元年此追述之耳是年二月回紇登里可汗歸蕃詳回紇  
傳中所謂漢庭和異域也皆代 **斗魁** 晉志北斗七星在太微北魁四星  
宗初元之事故牽連書之耳 **斗魁** 為璇璣杓三星為玉衡杓南三星  
及魁第一星西三星皆曰三公主宣德化調七政和陰陽之官也史記  
魁枕參首平旦建者魁斗為帝車運于中央斗魁戴筐六星曰文昌宮

### 秋日荆南送石首薛明府辭滿告別奉寄薛尚

書頌德叙懷斐然之作 三十韻

南征為客久西候別君初歲滿歸鳧鳥秋來把雁書  
荆門留美化姜被就離居聞道和親入垂名報國餘  
連枝不日並八座幾時除往者□星孛恭惟漢網疎  
風塵相瀕洞天地一丘墟殿瓦鴛鴦坼宮簾翡翠虛  
鈞陳摧徼道槍纍失儲胥文物陪巡守親賢病拮据  
公時呵𧸗𧸗首唱却鯨魚勢愜宗蕭相 鄂材非一范  
睢 諸名屍填太行道血走浚儀渠滄口師仍會函關憤  
已攄紫微臨大角皇極正乘輿賞從頻峩冕殊私再  
直廬 公舊執金吾新授豈惟高衛霍曾是接應徐降集翻  
翔鳳追攀絕衆狙侍臣雙宋玉戰策兩穰苴鑿澈勞

頌德



寂懷

懸鏡荒蕪已荷鋤嚮來披述作石首處見公重此憶吹噓

白髮其凋喪青雲亦卷舒經綸功不朽跋涉體何如

公頃奉使和蕃已見上應訝耽湖橘常餐占野蔬十年嬰藥餌萬里

狎樵漁楊子淹投閣鄒生惜曳裾但驚飛熠燿不記

改蟾蜍烟雨封巫峽江淮畧孟諸湯池雖險固遼海

尚填淤努力輸肝膽休煩獨起予

景仙守扶風事見前大曆二年十一月和蕃使檢校戶部尚書薛景仙自此蕃使還首領論泣陵隨景仙入朝槍纍長楊賦木為儲范睢男者本注云諸名將未詳其義是否

哭李尚書之芳

漳濱與蒿里逝水竟同年欲掛留徐劍猶迴憶戴船  
相知成白首此別間黃泉風雨嗟何及江湖涕泣然

脩文將管輅奉使失張騫史閣行人在詩家秀句傳  
客亭鞍馬絕旅櫬網蟲懸復魄昭丘遠歸魂素滻偏  
樵蘇封葬地喉舌罷朝天秋色凋春草王孫若箇邊

重題

涕泗不能收哭君余一作餘白頭兒童相識一作顧盡宇宙此

生浮江雨銘旌濕湖風井逕秋還瞻魏太子賓客減

應劉李公歷禮部尚書薨于太子賓客

井徑蕪城賦邊風急兮城上寒井徑滅兮丘隴殘注九夫為井遂上有徑

獨坐

悲愁一作秋迴白首倚杖背孤城江斂洲渚出天虛風物

清滄溟服一作恨衰謝朱紱負平生仰羨黃昏鳥投林羽



翮輕

暮歸

霜黃碧梧白鶴棲城上擊柝復烏啼客子入門月皎皎誰家搗練風淒淒南渡桂水關舟楫北歸秦一作川多鼓鞞年過半百不稱意明日看雲還杖藜

移居公安敬贈衛大郎

鈞

衛侯不易得余病汝知之雅量涵高遠清襟照等閒平生感意氣少小愛文辭河海由來合風雲若有期形容勞宇宙質朴謝軒墀自古幽人泣流年壯士悲水烟通徑草秋露接園葵入邑豺狼鬪傷弓鳥雀饑白頭供宴語烏几伴棲遲交態遭輕薄今朝豁所思

清襟

袁粲女臣王儉詩老夫亦何寄之于照清襟

公安送韋二少府匡贊

逍遙公後世多賢送爾維舟惜此筵念我能書一作常能數字至將詩不必萬人傳時危兵甲黃塵裏日短江湖白髮前古往今來皆涕淚斷腸分手各風烟

逍遙公

宰相世系表韋愛字敬遠後周逍遙公號逍遙公房至嗣立更號小逍遙公房張說東山記皇帝幸韋公東山之別業是日即

席拜公

贈虞十五司馬

遠師虞秘監今喜識立孫形象丹青逼家聲器宇存淒涼憐筆勢浩蕩問詞源爽氣金天豁清談玉露繁佇鳴南岳鳳欲化北溟鯤交態知浮俗儒流不異門



過逢聯客位日夜倒芳尊沙岸風吹葉雲江月上軒  
百年嗟已半四坐敢辭喧書籍終相與青山隔故園  
公安縣懷古

野曠呂蒙營江深劉備城寒天催日短風浪與雲平  
灑落君臣契飛騰戰伐名維舟倚前浦長嘯一含情

呂蒙營

寰宇記公安縣有孱陵城十三州志曰吳大帝封呂蒙為孱陵侯此地也入蜀記光孝寺後有廢城髣髴尚存圖經謂之呂蒙

劉備城

荆州記云劉備敗于襄陽南奔荆州吳大帝推為左將軍荆州牧鎮油口即居此城時人號備為左公故名其城公安也

水經注劉備之奔江陵使築而鎮之曹公聞孫權以荆州借備臨書落筆

公安送李二十九弟晉肅入蜀余下沔鄂

正解柴桑纜仍看蜀道行檣烏相背發塞雁一行鳴  
南紀連銅柱西江接錦城憑將百錢卜飄泊問君平

古下江有而望正入  
晉肅曰相皆此  
舊曰句五卷十卷

夢弼曰晉肅李賀之  
父見韓退之諱辯

宴王使君宅題二首

漢主追韓信蒼生起謝安吾徒自漂泊世事各艱難  
逆旅招邀近他鄉思緒寬不才并朽質高卧豈泥

蟠

沈愛容霜髮一作髮留歡卜夜閑一云上自吟詩送老相勸

酒開顏戎馬今何地鄉園獨舊山江湖墮清月酌酌

任扶還

舊山一作在山

夜關

英華辨証世傳杜子美不避家諱兩押關字其實非也或改作夜關又不在韻按下圖集杜詩自是留歡上夜關蓋有投轄之意上

字訛為上關  
字訛為開耳

留別公安太易沙門

公安省因道公



留平兩作未句  
易到虞山而太  
香穠生素律

隱居欲就廬山遠  
麗藻初逢休上人  
數問舟航留製  
作長開篋笥擬心  
神沙村白雪仍含  
凍江縣紅梅已  
放春先踏鱸峰置  
蘭若徐飛錫杖出  
風塵

己巳年正月

杜工部集卷之十八

虞山蒙叟錢謙益箋註

近體詩六十一首  
自公安發次岳州及湖南作

曉發公安  
數月懸

北城擊柝復欲罷  
東方明星亦不遲  
鄰雞野哭如昨  
日物色生態二云能幾時  
舟楫眇然自此去  
江湖遠適無前期  
出門轉眄已陳迹  
藥餌扶吾隨所之

入蜀記公移居公安詩云水烟通徑草秋露接園葵而留別太易沙門云沙村白雪仍含凍江縣紅梅已放春則以是秋至此縣暮冬始去其曰數

謂此地泊岳陽城下  
江國踰千里  
山城僅百層  
岸風翻夕浪  
舟雪灑寒燈

此集卷之十八



早白... 月... 見... 中... 留滯才難盡艱危氣益增圖南未可料變化有鯤鵬

留滯才難盡艱危氣益增圖南未可料變化有鯤鵬  
纜船苦風戲題四韻奉簡鄭十三判官

楚岸朔風疾天寒鷓鴣呼漲沙霾草樹舞雪渡江湖  
吹帽時時落維舟日日孤因聲置驛外為覓酒家壚

登岳陽樓

昔聞洞庭水今上岳陽樓吳楚東南坼乾坤日夜浮  
親朋無一字老病有孤舟戎馬關山北憑軒涕泗流

岳陽樓

岳陽風土記岳陽樓城西門樓也方輿勝覽岳陽樓在郡治西  
南西面洞庭左顧君山不知創始開元四年張說出守是邦與  
才士登臨賦詠自爾名著方回曰予登岳陽樓左序棧門壁間大書孟詩  
右書杜詩後人不敢復題也劉長卿云疊浪浮元氣中流沒太陽世不甚  
傳他可知也

陪裴使君登岳陽樓

湖閣兼雲霧樓孤屬晚晴禮加徐孺子詩接謝宣城  
雪岸叢梅發春泥百草生敢違漁父問從此更南征

南征

昭魏獻歲發春  
今汨吾南征

過南岳入洞庭湖

洪波忽爭道岸轉異江湖鄂渚分雲樹衡山引舳艫  
翠牙穿裛漿荆作碧節上吐寒蒲病渴身何去春生力  
更無壞童犁雨雪漁屋架泥塗敵側風帆滿微冥水  
驛孤悠悠迴赤壁浩浩畧蒼梧帝子留遺恨曹公屈  
壯圖聖朝光御極殘孽駐艱虞才叔隨所養名賢隱  
鍛鑪邵平元入漢張翰後歸吳莫怪啼痕數危檣逐  
夜烏



洞庭湖

方輿勝覽在巴陵縣西西吞赤沙南連青草橫亘七八百里風土記巢溝沅湘合諸蠻南黔之水滙于洞庭至巴陵與荆江合

山海經注長沙巴陵縣西有洞庭波濤伏通江水經注湖水廣闊五百餘里日月若出沒于其中湘水沅水澧水微水四水同注洞庭北北會大江

名之五渚國策秦與荆戰取洞庭五渚羅君章湘中記曰湘水之出于陽湖則應為之舟至洞庭日月若出入于其中也

赤壁注江

水左逕百人山南右逕赤壁山北昔周瑜與黃蓋詐魏武大軍處所也方輿勝覽赤壁山在蒲圻西百二十里北岸烏林與赤壁相對今江漢間言

赤壁者丘漢陽漢川黃州嘉魚江夏惟江夏之說為近

帝子 是常游于江淵澧沅之風交瀟湘之淵出入必以飄風暴雨水經注湘水又北逕黃陵亭西又合黃陵水口

其水上承太湖湖水西流逕二妃廟南世謂之黃陵廟也言大舜之陟方也二妃從征溺于湘江神遊洞庭之淵出入瀟湘之浦故民為立祠于水側焉荆州牧劉表刊石立碑樹之于廟以旌不朽之傳矣

洞庭猶在目青草續為名宿槩依農事郵籤報水程

寒冰爭倚薄雲月遞微明湖雁雙雙起人來故北征

青草 荆州記巴陵南有青草湖周廻百里日月出沒其中湖南有青草山故因以為名青草湖一名洞庭湖洞庭亦謂之太湖南遷錄洞

庭西岸有沙洲堆阜隆起即青草廟下一湖之中有此洲南名青草北名洞庭所謂重湖也水經注湘水自汨口西北逕壘石山西而北對青草湖亦或謂之青草山也元和郡國志巴丘湖又名青草湖在巴陵縣南七十九里周廻二百六十五里俗云即古雲夢澤也

宿白沙驛 初過湖南五里

水宿仍餘照入烟復此亭驛邊沙舊白湖外草新青

萬象皆春氣孤槎自客星隨波無限月 一作景 的的近南

漠

白沙 水經注瀟者水清深也湘中記曰湘川清照五六丈下見底石如檣蒲矣五色鮮明白沙如霜雪赤崖如朝霞是納瀟湘之名矣

湘夫人祠

肅肅湘妃廟空墻碧水春蟲書玉佩蘚燕舞翠帷塵

晚泊登汀樹微馨借 一作香惜 渚蘋蒼梧恨不盡染淚在叢

筠



方輿勝覽黃陵廟在湘陰北八十里王逸注楚辭以湘君為水神湘夫人乃二妃也郭璞曰天帝之二女而處江為神江湘之有夫人猶河洛之有處妃也禮五岳比三公四瀆比諸侯今湘川不及四瀆無秩于命祀而二女帝者之后配靈神祇無緣當復下降小水而為夫人也韓退之黃陵廟碑則以娥皇為湘君女英為湘夫人後世宗之公此詩題曰湘夫人祠蓋本王逸之說也

祠南夕望

百丈牽江色孤舟泛日斜興來猶杖屨目斷更雲沙

山鬼迷春竹湘娥倚暮花湖南清絕地萬古一長嗟

湘娥

江賦乃協靈爽于湘娥王逸楚辭注曰堯二女墜于湘水之中因為湘夫人也

登白馬潭

水生春纜沒日出野船開宿鳥行猶去叢花一作叢笑不

來人人傷白首處處接金盃莫道新知要南征且未

迴

方曰雁名也

歸雁

聞道今春雁南歸自廣州見花辭漲海避雪到羅浮

是物關兵氣何時免客愁年年霜露隔不過五湖秋

廣州

唐會要大曆二年嶺南節度使徐浩奏十一月二十五日當管懷集縣陽雁來乞編入史從之先是五嶺之外翔雁不到浩以為陽

為君德雁隨陽者臣歸君之象也史稱浩貪而妄公詩蓋深譏之謝靈運

山居賦海鳥遠風朔禽避涼注朔禽雁也寒月轉往衡陽盧思道孤鴻賦

序淮南子曰東歸碣石遠滄暑也平于賦云南翔衡陽避邪

寒也地志衡山一陽峰極高雁不能過過春北歸故名迴雁

漲海

謝承書交

壯七郡貢獻皆

從漲海出入

納納乾坤大行行郡國遙雲山兼五嶺風壤帶三苗

野樹侵江闊春蒲長雪消扁舟空老去無補聖明朝

五嶺

元和郡國志首懷帝分荊州湘中諸郡置湘州南以五嶺為限北以洞庭為界隋平陳改潭州取昭潭為名也裴淵廣州記五嶺云



大庾始安臨賀桂陽揭陽師古曰嶺者西自衡山三苗書疏傳曰三苗之南東窮于海一山之限耳而別標名則有五焉彭蠡其國在南方水經注洞庭湖右岸有山世謂之苗鳥頭石石北右會翁湖口水上承翁湖左合洞浦所謂三苗之國左洞庭者也潭州圖經云三苗國之南境元和郡國志岳州古三苗之國也

入喬口長沙北界

漠漠舊京遠遲遲歸路賒昨水國落日對春華

樹蜜蜂亂江泥輕燕斜賈生骨已朽悽惻近長沙

樹蜜古今注枳椇子一名樹蜜一名木餒實形拳曲核在實外味甘美如餒蜜

銅官渚守風

不亦夜楚帆落避風湘渚閒水耕先浸草春火更燒

山早泊雲物晦逆行波浪慳飛來雙白鶴過去杳難

攀

銅官水經注湘水右岸銅官浦出焉湘水又北逕銅官山西臨湘水山上紫色內含雲母故亦謂之雲母山也湘水又左合決湖口水出西陂東通湘渚方輿勝覽銅官渚在寧鄉縣界三十里舊志楚鑄錢處

水耕漢武詔江南之地火耕水耨應劭曰燒草下水種稻草與

稻俱生高七八寸因悉芟去復下水灌之草死稻獨長所謂火耕水耨也

北風新康江口信宿方行

春生南國瘴氣待北風蘇向晚靈殘日初宵鼓大鑪

爽携卑濕地聲拔洞庭湖萬里魚龍伏三更鳥獸呼

滌除貪破浪愁絕付摧枯執熱沉沉在凌寒往往須

且知寬疾肺不敢恨危途再宿煩舟子衰容問僕夫

今晨非盛怒便道即長驅隱几看帆席雲山湧坐隅

新康水經注瀉水出益陽縣馬頭山東逕新陽縣南晉太康元年改曰新康

雙楓浦

風帆

後



輟棹青楓浦雙楓舊已摧自驚衰謝力不道棟梁材  
浪足浮紗帽皮須截錦苔江邊地有主暫借上天迴

雙楓浦 方輿勝覽在瀏陽縣

奉送王信州峯北歸

朝廷防盜賊供給愍誅求下詔選郎署傳聲能典一作典信  
州蒼生今日困一作起天子壽時憂井屋有烟起瘡痍無  
血流壤歌唯海甸畫角自山樓白髮寐常早荒榛農  
復秋解龜踰卧轍遣騎覓扁舟徐榻不知一作能倦潁川  
何以酬塵生一作孝廉彤管筆寒膩黑貂裘高義終焉在斯  
文去矣休別離同雨散行止各雲浮林熱鳥開口江  
渾魚掉頭尉佗雖北拜太史尚南留軍旅亦息寰

風土記潁川在潁水之南  
潁水出潁川之南  
潁川之南有潁水  
潁水之南有潁水  
潁水之南有潁水  
潁水之南有潁水  
潁水之南有潁水  
潁水之南有潁水  
潁水之南有潁水  
潁水之南有潁水  
潁水之南有潁水

區要盡收九重思諫諍八極念懷柔徒倚瞻王室從  
容仰廟謀故人持雅論絕塞豁窮愁復見陶唐理其  
為汗漫遊

信州

梁大同三年於巴州郡理立信州唐武德元年改巴東郡為信州二年又改信州為夔州尉佗當是指崔

江閣卧病走筆寄呈崔盧兩侍御

客子庖厨薄江樓枕席清衰年病祇瘦長夏想為情  
滑憶一作喜彭胡飯香聞錦帶羹溜匙兼煖腹誰欲致一作覓  
孟嬰

潭州送韋員外牧韶州

炎海韶州牧風流漢署郎分符先令望同舍有輝光  
白首多年疾秋天昨夜涼洞庭無過雁書疏莫相忘



韓文章氏夫人墓誌銘其大王父迢以都官郎為嶺南軍司馬卒贈同州刺史

潭州留別杜員外院長韶州刺史韋迢

江畔長沙驛一作澤相逢纜客船大名詩獨步小郡海西偏地濕愁飛鵬天炎畏站鳶去留俱失意把臂共潸然

江閣對雨有懷行營裴二端公

南紀一作極風濤壯陰晴屢不分野流行地日江入度山

雲層閣憑雷殷長空水面一作水文雨來銅柱北應一作意洗

伏波軍

早發湘潭寄杜員外院長 韋迢

北風昨夜雨江上早來涼楚岫千峰翠湘潭一葉黃

故人湖外客白首尚為郎相憶無南雁何時有報章

酬韋韶州見寄

養拙江湖外朝廷記憶疎深慚長者轍重得故人書

白髮絲難理一作並新詩錦不如雖無南去雁看取北來

魚

千秋節有感二首

自罷千秋節頻傷八月來先朝常宴會壯觀已塵埃

鳳紀編生日龍池墜劫灰湘川新涕淚秦樹遠樓臺

寶鏡羣臣得金吾萬國迴衢尊不重飲白首獨餘哀

千秋節玄宗紀開元十七年八月癸亥上以降誕日宴百寮于花萼樓下百寮表請每年八月五日為千秋王公以下獻寶鏡及承露

囊天下諸州咸令宴樂休假三日仍編為令唐實錄上手詔答曰卿等請為今節上獻嘉名自我作古是為美事依卿來請定付所司



御氣雲樓敞含風綵仗高仙人張內樂王母獻宮桃  
羅襪紅蕖艷金羈白雪毛舞階銜壽酒走索背秋毫  
聖主他年貴邊心此日勞桂江流向北滿眼送波濤

內樂

明皇雜錄玄宗夢仙子十餘輩御卿雲而下各執樂器懸奏之度曲清越一仙人曰此神仙紫雲迴今傳授陛下為正始之音上覺命玉笛習之

走索

西京賦跳丸劍之揮霍走索上而相逢

晚秋長沙蔡五侍御飲筵送殷六參軍歸澧州

覲省

佳士欣相識慈顏望遠遊其從投轄飲肯作置書郵  
高鳥黃雲暮寒蟬碧樹秋湖南冬不雪吾病得淹留  
湖中送敬十使君適廣陵

相見各頭白其如離別何幾年一會面今日復悲歌

少壯樂難得歲寒心匪他氣纏霜匣滿冰置玉壺多  
遭亂實漂泊濟時曾琢磨形容吾校老膽力爾誰過  
秋晚岳增翠風高湖湧波騫騰訪知己淮海莫蹉跎

長沙送李十一

一街

與子避地西康州洞庭相逢十二秋遠媿尚方曾賜  
履竟非吾土倦登樓久存膠漆應難並一辱泥塗遂  
晚收李杜齊名真忝竊朔雲寒菊倍離憂

西康州

西康州乃同谷縣武德元年以縣置西康州

李杜

西溪叢語後漢范滂母謂滂曰汝得與李杜齊名死亦何恨杜

詩李杜齊名正用此也按後漢黨錮傳杜密與李膺俱坐而名行相次故時人亦稱李杜焉注云前有李固杜喬故言亦也杜詩正用此西溪所引似是而實謬

重送劉十弟判官



分源豕韋派別浦雁賓秋年事推兄忝人才覺弟優  
經過辨艷劍意氣逐吳鈞垂翅徒衰老先鞭不滯留  
本枝凌歲晚高義豁窮愁他日臨江待長沙舊驛樓

豕韋

趙曰言劉杜同出也左傳范宣子曰在夏  
為御龍氏在商為豕韋氏在周為唐杜氏

奉贈盧五丈參謀琚

時丈人使自江陵在長  
沙待恩旨先支率錢米

恭惟同自出妙選異高標入幕知孫楚披襟得鄭僑  
丈人藉才地門閤冠雲霄老矣逢迎拙相於契託饒  
賜錢傾府待爭米駐船遙鄰好艱難薄氓心杼軸焦  
客星空伴使寒水不成潮素髮乾垂領銀章破在腰  
說詩能累夜醉酒或連朝藻翰惟率率湖山合動搖  
時清非造次興盡却蕭條天子多恩澤蒼生轉寂寥

休傳鹿是馬莫信鵬如陳作鴉未解依依袂還斟泛泛  
瓢流年疲蟋蟀體物幸鷦鷯刊作負滄洲願誰云晚  
見招

自出

鶴曰公祖母盧氏即  
所誌范陽太君者

登舟將適漢陽

春宅棄汝去秋帆催客歸庭蔬尚在眼浦浪已吹衣  
生理飄蕩拙有心遲暮違中原戎馬盛遠道素書稀  
塞雁與時集檣烏終歲飛鹿門自此往永息漢陰機

漢陽

元和郡國志武德四年分沔陽  
郡于漢陽縣置沔州及漢陽縣

漢陰

寰宇志漢陰城  
在穀城縣北

暮秋將歸秦留別湖南幕府親友

水闊蒼梧野

樊作

天高白帝秋途窮那免哭身老不禁



愁大府才能會諸公德業優北歸衝雨雪誰一作憫弊貂裘

送盧十四弟侍御護韋尚書靈輓歸上都二十

韻

素幕渡江遠朱幡登陸微悲鳴駟馬顧失涕萬人揮  
參佐哭辭畢門闌誰送歸從公伏事久之子俊才稀  
長路更執紼此心猶倒衣感恩義不小懷舊禮無違  
墓待龍驤詔臺迎獬豸威深衷見士則雅論在兵機  
戎狄乘妖氣塵沙落禁闈往年朝謁斷他日掃除非  
但促一作整銅壺箭休添玉帳旂動詢黃閣老肯慮白登  
圍萬姓蒼瘼台羣兇一作嗜慾肥剌規多諫諍端拱自

光輝儉約前王體風流後代希對歎期特達衰朽再  
芳菲空裏愁書字山中疾采薇撥盃要忽罷抱被宿  
何依眼冷看征蓋兒扶立釣磯清霜洞庭葉故就別  
時飛

哭李常侍嶧二首

一代風流盡修文地下深斯人不重見將老失知音  
短日行梅嶺寒山一作落桂林長安若箇畔猶想映貂  
金

青瑣陪雙入銅梁阻一辭風塵逢我地江漢哭君時  
次第尋書札呼兒檢贈詩發揮王子表不媿史臣詞  
哭韋大夫之晉







潭

冬晚送長孫漸舍人歸州

參卿休坐幄蕩子不還鄉南客瀟湘外西戎鄂杜旁  
衰年傾蓋晚費日繫舟長會面思來札銷魂逐去檣  
雲晴鷗更舞風逆雁無行匣裏雌雄劍吹毛任選將

大曆三年八月吐蕃寇靈州  
邠州九月又入寇京師城嚴

暮冬送蘇四郎徯兵曹適桂州

飄飄蘇季子六印佩何遲早作諸侯客兼工古體詩  
爾賢埋照久余病長年悲盧綰須征日樓蘭要斬時  
歲陽初盛動王化久磷緇為入蒼梧廟看雲哭九疑

盧綰

鶴曰盧綰樓蘭蓋指大曆四年十二月桂州朱  
濟時反容管經畧使王翊敗之此當是其時作

風疾舟中伏枕書懷三十六韻奉呈湖南親友

軒轅休製律虞舜罷彈琴尚錯雄鳴管猶傷半死心  
聖賢名古邈羈旅病年侵舟泊常依震湖平早一作見

參如聞馬融笛若倚仲宣襟故國悲寒望羣雲慘歲

陰水鄉霾白屋楓岸疊青岑鬱鬱冬炎瘴濛濛雨滯

淫鼓迎非一作非祭鬼彈落似鴉禽興盡纔無悶愁來遽不

禁生涯相汨沒時物自一作蕭森疑惑尊中弩淹留冠

上簪牽裾驚魏帝投閣為劉歆狂走終奚適微才謝

所欽吾安藜不糝女一作貴玉為琛烏几重重縛鶉衣

寸寸針哀傷同庾信述作異陳琳十暑岷山葛三霜

楚戶砧叨陪錦帳座久放白頭吟反樸時難遇忘機

起  
明



陸易沉應過數粒食得近四知金春草封歸恨源花  
費獨尋轉蓬憂悄悄行藥病涔涔瘞天追潘岳持危  
覓鄧林蹉跎翻學步感激在知音却假蘇張舌高誇  
周宋鐔納流迷浩汗峻址得欽峯城府開清旭松筠  
起碧潯披顏爭倩倩逸足競駿駿朗鑒存愚直皇  
天寶照臨公孫仍恃險侯景未生擒書信中原闕干  
戈北斗深畏人千里井問俗九州箴戰血流依舊軍  
聲動至今葛洪尸定解許靖力還任家事丹砂訣無  
成涕作霖

首二句

吳若本注云伏羲造瑟神農作琴舜彈五絃琴歐南風之篇有矣

鳴亦六

七發龍門之桐高百尺而無枝其根則半死半生

雄鳴

律曆志制十二篇以聽鳳之鳴其雄鳴為六雌鳴為六

尊中弩

風俗通應柳為汲令請主簿杜宣賜酒北壁上有懸赤弩照于

謂宣曰此弩形耳宣病遂瘳梁簡文臥疾詩云沉痾類弩形

牽裾

辛毗諫文帝徙冀州士家帝不答起入內毗隨而引其裾帝遂奮衣

不還良久乃出曰佐治卿持我何太急耶

數粒

鶴鶴賦巢林不過一枝每食不過數粒

行藥

西溪叢語鮑昭行藥至城東橋

詩注云因病服藥行而宣導之杜詩行藥病涔涔漢許皇后云我頭岑岑藥中得無有毒乎

瘞天

西征賦天赤子於新安坎路側而瘞

之黃鶴因瘞天一語疑為宗文之故年譜遂大書曰是年四月宗文卒則

妄矣潤州刺史樊晃叙杜工部小集云君有宗文宗武近知所在漂寓江

陵則宗文之亡實

周宋

莊子說劍篇周宋為鐔子琳乘虛襲據成都府寧

在工部殺後也

恃險

大曆三年崔寧既入朝楊子琳乘虛襲據成都府寧

東聲言入朝擊王守仙于忠州殺夔州別駕張忠據其城荆南節度使

千里井

玉臺新詠劉蕙妻王

衛伯玉欲結以為援以夔州許之為之

千里井

氏詩千里不唾井况

乃昔所奉李太白平口將重妻詩云古人不唾井莫忘昔纏綿李濟翁資

葛洪

且自言相去千里豈當重來及其復至熱渴汲水遽飲不憶前所

棄草草結于喉而斃俗因相戒曰千里井不反判復詛為唾耳

葛洪

晉中興書葛洪上羅浮山中煉丹在山積年忽與廣州刺史鄧岱書云當



仙許靖陳國袁徽寄寓交州與尚書令荀彧書曰許文休英才偉士智畧足以計事自流宕以來與羣士相隨每有患急常先人後已與九族中外同其飢寒其紀綱同類仁愍惻但皆有效事不能復一一陳之耳

### 奉贈蕭二十使君

昔在嚴公幕俱爲蜀使臣艱危叅大府前後間清塵

嚴再領成都余復叅幕府

起草鳴先路果槎動要津王鳧聊暫出蕭雉

只相馴終始任安義荒蕪孟母鄰聯翩匍匐禮意氣

死生親

嚴公沒後老母在堂使君溫清之問其晚之禮名數若已之庭闈焉太夫人頃逝喪事又首諸孫主典撫孤之情不減骨肉則膠漆

之契可知矣

張老存家事嵇康有故人食恩慚鹵莽鏤骨抱

酸辛巢許山林志夔龍廊廟珍鵬圖仍矯翼熊軾且

移輪磊落衣冠地蒼茫土木身墳麓鳴自合金石瑩

逾新重憶羅江外同遊錦水濱結歡隨過隙懷舊益

霑巾曠絕含香舍稽留伏枕辰停驂雙闕早迴雁五  
湖春不達長卿病從來原憲貧監河受貸粟一起轍  
中鱗

蕭雉

蕭廣濟孝子傳蕭之至孝除尚書郎有雉數十頭歛啄宿止當上直遂至岐路下直入門飛鳴車側

張老

晉語趙文子冠

見張老而語之張老曰善矣物備矣志在子注張老晉大夫張孟

### 奉送二十三舅錄事之攝郴州

崔偉

賢良歸盛族吾舅盡知名徐庶高交友劉牢出外甥  
泥塗豈珠玉環堵但柴荆衰老悲人世驅馳厭甲兵  
氣春江上別淚血渭陽情舟鷁排風影林鳥反哺聲  
永嘉多北至勾漏且南征必見公侯復終聞盜賊平  
郴州頗涼冷橘井尚淒清從役何蠻貊居官志在行



送魏二十四司直充嶺南掌選崔郎中判官兼寄韋韶州

選曹分五嶺使者歷三湘才美膺推薦君行佐紀綱  
佳聲斯一作共一作遠雅節在周防明白山濤鑒嫌疑陸  
賈裝故人湖外少春日嶺南長憑報韶州牧新詩昨  
寄一作將

選曹 唐會要上元三年勅桂廣交黔等州都督府所奏擬土人首領任官簡擇宜准舊制四年度差強明清正五品以上官充使選補仍

令御史同二湘 寰宇記湘潭湘鄉往注擬 湘源是為三湘

送趙十七明府之縣

連城為寶重茂宰得才新山雉迎舟楫江花報邑人  
論交翻恨晚卧病却愁春惠愛南翁悅餘波及老身

以名漢多 真見  
本好有以感也均  
國而富以于  
稱主人古之也  
寄來送之  
寄此無常  
公之也  
白信之

燕子來舟中作

湖南為客動經春燕子銜泥兩度新舊入故園常識  
主如今社日遠看人可憐處處巢君一作室何異飄飄  
託此身暫語船檣還起去穿花落水范德機云善本作帖水益霑巾

同豆盧峰知字韻 貽主客李員外賢子業也

鍊金歐冶子噴玉大宛兒符彩高無敵聰明達所為  
夢蘭他日應折桂早年知爛漫通經術光芒刷羽儀  
謝庭瞻不遠潘省會於斯唱和將雛曲田翁號鹿皮  
歸雁二首

萬里衡陽雁今年又北歸雙雙瞻客上一一背人飛  
雲裏相呼疾沙邊自宿稀繫書元一作浪語愁寂故山

湖南為客動經春燕子銜泥兩度新舊入故園常識  
主如今社日遠看人可憐處處巢君室何異飄飄  
託此身暫語船檣還起去穿花落水益霑巾



微

欲雪違□地先花別楚雲却過清渭影高起洞庭羣  
塞北春陰暮江南日色曛傷弓流落羽行斷不堪聞

小寒食舟中作

佳辰強飯飲食猶寒隱几蕭條帶鷓冠春水船如天  
上坐老年花似霧中看娟娟戲蝶過開一作開幔片片輕  
鷗下急湍雲白山青萬餘里愁看直北是長安

清明二首

朝來新火起新烟湖色春光淨客船繡羽銜花他自  
得紅顏騎竹我無緣□童結束還難有楚女腰肢亦  
可憐不見定王城舊處長懷賈傅井依然虛霑焦舉

沈吟期  
聖人以鏡

當作周舉為寒食實藉嚴君賣卜錢鐘鼎山林各天性濁醪  
麤飯任吾年

賈傅井

盛弘之荆州記荆州南寺之東有賈誼宅宅之中有井井旁有石有局脚床可容一人坐形制甚古皆傳曰即誼所坐水經注湘州城內郡解西陶侃廟云舊是賈誼宅地中有一井是誼所鑿極小而深上斂下大其狀似壺傍有一脚石床纔容一人坐形流俗相承云誼寤所坐床又有大柑樹亦云誼所植也焦舉後漢書周舉遷并州刺史移書于子推書云春中寒食一月老少不堪今則三日而已

此身飄泊苦西東右臂偏枯半耳聾寂寂繫舟雙下  
淚悠悠伏枕左書空十年蹴踘將雛遠萬里鞦韆習  
俗同旅雁上雲歸紫塞家人鑽火用青楓秦城樓閣  
烟一作鶯花裏漢主山河錦繡中風水一作春去春來洞庭闊白  
蘋愁殺白頭翁

鞦韆

古今藝術圖鞦韆北方山戎之戲以習輕趨者或曰自齊桓公北伐山戎此戲始傳中國



發潭州

夜醉長沙酒。曉行湘水春。岸花飛送客。檣燕語留人。

賈傅才未有。褚公書絕倫。高名前後事。迴首一傷神。

褚公書絕倫。高名前後事。迴首一傷神。  
迴棹者人之才。此詩至孝也。

宿昔試一作世安命。自私猶畏天。勞生繫一物。為客費多年。

衡岳江湖大。蒸池疫癘偏。散才嬰薄一作舊俗。有跡負前賢。

巾拂那關眼。瓶罍易滿船。火雲滋垢膩。凍雨裊沈一作塵塵。

綿強飯。蓴滑端居茗。續煎清思漢。水上涼憶峴山巔。

順浪飜。堪倚迴帆又。省牽吾家碑。不昧王氏井。

依然几杖將。衰齒茅茨寄。短椽灌園曾。取適遊寺

此詩... 衡岳... 蒸池... 散才... 勞生... 衡岳江湖大... 蒸池疫癘偏... 散才嬰薄俗... 有跡負前賢... 巾拂那關眼... 瓶罍易滿船... 火雲滋垢膩... 凍雨裊沈塵... 綿強飯蓴滑... 端居茗續煎... 清思漢水上... 涼憶峴山巔... 順浪飜堪倚... 迴帆又省牽... 吾家碑不昧... 王氏井依然... 几杖將衰齒... 茅茨寄短椽... 灌園曾取適... 遊寺

可終焉。遂性同漁父。成名一作功異魯連。篙師煩爾送。朱

夏及寒泉。

蒸池水經注承水出衡陽重安縣西邵陵縣界邪薑山東北流至重安縣

漢水峴山元和郡國志峴山在襄陽縣東南九里山東臨漢水古今大路

家碑南部新書杜預刻石

贈韋七贊善

鄉里衣冠不乏賢。杜陵韋曲未央前。爾家最近魁三

象下兩兩時論同歸尺五天杜去天尺五北走關山

開雨雪南遊花柳塞雲烟洞庭春色悲公子蝦

果忘歸范蠡船

...

...



不  
李  
玉  
五

洞庭

此謂楚之洞庭也陶朱中男殺人囚於楚張華曰陶朱公冢在南郡華容縣西故知非吳之洞庭也

往別郇瑕地于今四十年来簪御府筆故泊洞庭船

詩憶傷心處春深把臂前南瞻按百越黃帽待君偏

黃帽

師古曰刺船之郎皆著黃帽因號曰黃頭郎也

杜員外兄垂示詩因作此寄上 郭 受

新詩海內流傳遍舊德朝中屬望勞郡邑地卑饒霧  
雨江湖天闊足風濤松醪酒熟旁看醉蓮葉舟輕自  
學操春興不知凡幾首衡陽紙價頓能高

唐詩紀事受大曆間為衡陽判官

松醪

裴嗣傳奇酒名松醪春元化記有松花酒

紙價

吳若本注衡陽出武家紙又云出五

紙

酬郭十五判官

才微歲老尚虛名卧病江湖春復生藥裏關心詩總  
廢花枝照眼句還成只同燕石能星隕自得隋珠覺  
夜明喬口橘洲風浪促繫帆何惜片時程

花枝

吳曾漫錄梁武帝春歌曰階上香入懷庭中花照眼春心一如此情來不自限乃悟子美花枝照眼之句

衡州送李大夫七丈勉赴廣州

斧鉞下青冥樓船過洞庭北風隨爽氣南斗避文星  
日月籠中鳥乾坤水上萍王孫丈人行垂老見飄零

舊書大曆四年李勉除廣州刺史兼嶺南節度觀察使

附錄

他集互見四首



哭長孫侍御

道為謀一作諫書重名因賦頌雄禮闈曾擢桂憲府舊

近乘驟流水生涯盡浮雲世事空唯餘舊臺柏蕭瑟

九原中

文苑辯証云杜誦哭長孫侍御詩今載杜甫集中按中興間氣集又立集唐宋類詩皆云杜誦高仲武當唐中興肅宗時編間氣集載誦詩止此一首又云杜君詩平調不失如流水生涯盡浮雲世事空得生人始終之理故編之必不誤近下闕注杜詩亦載此篇雖云或以為杜誦作然不明辯也

虢國夫人

虢國夫人承主恩平明上馬入宮一作金門却嫌脂粉澹

顏色淡掃蛾眉朝至尊

見張祐集作集靈臺二首萬首唐人絕句亦作張祐楊妃外傳有姊三人皆豐碩修整工于譚浪每入宮中移晷方出虢國不施粧粉自衒美艷端素面朝天當時杜甫有詩云云

軍中醉飲寄沈八劉叟

酒渴愛江清餘甘一作甜漱晚汀軟沙欹坐穩冷石醉眠

醒野膳隨行帳華音發從伶數孟君不見醉一作都已遣

沉寔

英華辯証其有可疑及當兩存者如暢當此詩及司空曙杜鵑行今並載杜甫集潘淳詩話補遺唐顧陶集詩選二十卷載暢當軍中醉歌寄沈八劉叟詩山谷項在蜀道見古石刻有唐人請以老杜酒渴愛江清為韻人各賦一詩

杜鵑行見陳浩然本亦見黃鶴本

古時杜宇稱望帝魂作杜鵑何微細跳枝窺葉樹木

中槍伴英華作翔警振雌隨雄毛衣慘黑貌一作自憔悴眾鳥安

肯相尊崇墮英華作晒形不敢栖華屋短翮唯願巢深叢穿

皮啄朽觜欲秃苦饑始得食一蟲誰言養雛不自哺



此語亦足為愚蒙聲音咽咽如有謂英華作咽噦若有號謂注云咽平聲啼畧與嬰兒同口乾垂血轉迫促似欲英華作欲以上訴於蒼穹蜀人聞之皆起立至今數學傳遺風英華作相效傳遺風知變化不可窮豈知昔日居深宮嬪嬙一作如左右如花紅今本點明遠念此致生西任非常第一等

文苑英華作司空曙注云又見杜甫集

吳若本逸詩七篇

聞惠二過東溪特一送

惠子白駒一作魚坡作驢瘦歸溪惟病身皇天無老眼空谷滯

斯人崖蜜松花熟一作白山杯一作村醪竹葉新柴門了無

事黃一作綺未稱臣

李邕蕭遠校書云陳恬叔易傳東坡記此詩云右一篇劉斯立得於管城人家册子葉中題云工部員外詩集名甫字東甫其餘諸篇語多不同如故園桃李今搖落安得愁中却盡生也草堂本右一篇見洪駒父詩話劉路

左車言嘗收得唐人雜篇詩册有之

舟泛洞庭一作過洞庭湖

蛟室圍青草龍堆擁一作隱白沙護江一作堤盤古木迎權舞

神鷁破浪南風正收颿一作回橋作歸舟畏日斜雲山千萬疊

底處上仙槎草堂作湖光與天遠直欲泛仙槎

右洪玉甫云有人得之江中石刻王直方云此老杜過洞庭湖詩也潘淳云元豐

中有人得此詩刻于洞庭湖中不載名氏以示山谷山谷曰子美作也今蜀本已收入



李鹽鐵二首後一首題云李監宅在第九卷中

落葉一作華館春風起高城烟霧開雜花分戶映嬌燕入簷

回一見能傾產一作座虛懷只愛才鹽官雖絆驥名是漢

庭來

長吟

江渚翻鷗戲官橋帶柳陰江飛競渡日草見踏春草堂作青

心已撥形骸累真為爛熳深賦詩歌草堂作新句穩不免一作覺

自長吟

絕句九首前六首在十三卷中

聞道巴山裏春船正好行都將百年興一望九江城

草堂本云行趙作還城趙作山

水檻溫江口茅堂石笋西移船先主廟洗藥浣沙草堂作花

溪

設一作設道春來好狂風大放顛吹一作飛花隨水去翻却釣

魚船

右謝克家任伯題云右五詩得盛文肅家故書中

猶是吳越錢氏時人所傳格律高妙其為少陵不

疑詩說雋永晁氏嘗於中壺絨線繭夾中得吳越人寫本社詩諱流字之類乃盛文肅故書也如日出籬凍水等絕句六首乃九首其一云漫道

春來好云云

草堂詩箋逸詩拾遺

瞿唐懷古見吳若本又見英華

西南萬壑注勅敵兩崖開地與山根裂江從月窟來



古後

削成當白帝空曲隱陽臺疏鑿功雖美陶鈞力大哉

送司馬入京見吳若本

羣盜至今日先朝忝從臣歎君能戀主久客羨歸秦  
黃閣長司諫丹墀有故人向來論社稷為話涕沾巾

惜別行送劉僕射判官見陳浩然本又見英華

聞道南行市駿馬不限疋數軍一作官中須襄陽幕府天  
下異主將儉省憂艱虞祇收壯健勝鐵甲豈因格鬪  
求龍駒而今西北自反□騏驎蕩盡一疋無龍媒真  
種在帝都子孫永落西南隅向非戎事備征伐君肯  
辛苦越江湖江湖凡馬多顛顛衣冠往往乘蹇驢梁  
公富貴於身疎號令明白人安居俸錢時散士子盡

德

府庫不為<sub>一作</sub>豪虛以茲報主寸心赤氣却西戎迴北  
狄羅網羣馬籍一作籍馬多氣在一作用驅馳出金帛劉侯奉  
使光推擇滔滔才畧滄溟窄杜陵老翁秋繫船扶病  
相識長沙驛強梳白髮提胡盧手把一作兼菊花路旁摘  
九州兵革浩茫茫三歎聚散臨重陽當杯對客忍流  
涕一作涕淚君一無此字不覺老夫神內傷

呀鵲行見陳浩然本又見英華

病鵲孤陳作甲飛俗眼醜每夜江邊宿衰柳清秋落日英華作月

已側身過雁歸鷓錯迴首緊腦雄姿迷所向疎翮稀  
毛不可狀強神迷復阜雕前俊才早在蒼鷹上風濤  
颯颯寒山陰熊羆欲螫一作素龍虵深念爾此時有一擲



尚不仕者之長也  
事嘉如日長中  
近日留中一事  
此言雖野高致  
向文不步于揚  
且外亦考訓

或聲濺血非其心  
狂短歌行贈四兄

見陳浩然本  
又見英華

與兄行年校一歲賢者是兄愚者弟兄將富貴等浮  
雲弟切功名好權勢長安秋雨十日泥我曹韞馬聽  
晨雞公卿朱門未開鎖我曹已到肩相齊吾兄睡穩  
方舒膝不襪不巾踏曉日男啼女哭莫我知身上須  
繒腹中實今年思我來嘉州嘉州酒重一作香花繞一作滿樓  
樓頭吃酒樓下卧長歌短詠歌作還相酬四時八節還  
拘禮女拜弟妻男拜弟幅巾繫帶不挂身頭脂足垢  
何曾洗吾兄吾兄巢許倫一生喜怒長任真日斜枕  
肘寢已熟啾啾唧唧為何人浩然木何為人

右五篇乃蘇州太守裴煜如晦所收見舊集補遺

逃難見陳浩然本

五十頭白翁南北逃世難疏布纏枯骨奔走苦不暖  
已衰病方入四海一塗炭乾坤萬里內莫見容身  
畔妻孥復隨我回首共悲歎故國莽丘墟鄰里各分  
散歸路從此迷涕盡湘江岸

寄高適

楚隔乾坤遠難招病客魂詩名惟我共世事與誰論  
北闕更新主南星落故園定知相見日爛熳倒芳尊

送靈州李判官

□□醒四海回首一茫茫血戰乾坤赤氛迷日月黃



將軍專策略幕府盛材良近賀中興主神兵動朔方

與嚴二郎奉禮別

別君誰暖眼將老病纏身出涕同斜日臨風看去塵  
商歌還入夜巴俗自為鄰尚媿微軀在遙聞盛禮新  
山東羣盜散闕下受降頻諸將歸應盡題書報旅人

奉禮

唐志太常寺奉禮二人

巴西驛亭觀江漲呈寶使君二首

轉驚波作怒即恐岸隨流賴有盃中物還同海上鷗  
關心小剡縣傍眼見揚州為接情人飲朝來減半一作片

愁向晚波微

一作猶

綠連空岸脚青日兼春有暮愁與醉無

醒漂泊猶杯酒躊躇此驛亭相看萬里外同是一浮萍

遣憂

亂離知又甚消息苦難真受諫無今日臨危憶古人  
紛紛乘白馬攘攘著黃巾隋氏留顧作營宮室焚燒  
何太頻

受諫

謂代宗還京太常博士柳伉上疏切諫也

臨危

至德初上皇在蜀思九齡之先覺下詔褒贈遣使就韶州致祭劇談錄明

皇幸蜀妃子既死一日登高山望秦川謂高力士曰吾取張九齡言不至於此遣使祭之吹笛為曲號謫仙怨公不斥言而曰古人其詞婉矣吳曾漫錄唐顧陶大中丙子歲編唐詩類選載此詩世所傳杜集皆無之

早花

西京安穩未不見一人來臘日一作月巴江曲山花已自



開盈盈當雪杏艷艷待春一作香梅直苦風塵暗誰憂容  
一作鬢催

巴山

巴山遇中使云自峽一作陝城來盜賊還奔突乘輿恐未  
回天寒邵伯樹地闊望仙臺狼狽風塵裏羣臣安在  
哉

邵伯樹

海錄詩林棠注云棠杜也一名杜梨而小也召  
伯不欲勞民止舍于其小棠樹之下而斷訟焉  
黃圖望仙臺漢武帝  
所建在華州華陰縣

收京

復道收京邑兼聞殺□□衣冠却扈從  
尅復成如此安危一作扶持在數公莫令回首地慟哭起悲

風

巴西聞收宮闕送班司馬入京

聞道收宗廟鳴鑿自陝歸傾都看黃屋正殿引朱衣  
劍外春天遠巴西勅使稀念君經世亂匹馬向王畿  
花底

柳邊

紫萼扶干藥黃鬚照萬花忽疑行暮雨何事入朝霞  
恐是潘安縣堪留衛玠車深知好顏色莫作委泥沙  
只道梅花發那知柳亦新枝枝總到地藥藥自開春  
紫燕時翻翼黃鸝不露身漢南應老盡霸上遠愁人  
送寶九歸成都



文章亦不盡賈子才縱橫非爾更苦節何人符大名  
讀書雲閣觀問絹錦官城我有浣花竹題詩須一行  
贈裴南部聞袁判官自來欲有按問

塵滿萊蕪餽堂橫單父琴人皆知飲水公輩不偷金  
梁獄書因上一作秦臺鏡欲臨獨醒時所嫉羣小謗能  
深卽出黃沙在何須白髮侵使君傳舊德已見直繩  
心

奉使崔都水翁下峽

無數涪江筏鳴橈總發時別離終不久宗族忍相遺  
白狗黃牛峽朝雲暮雨祠所過頻問訊到日自題詩

題鄴縣郭三十二明府茅屋壁

方以詩大...  
後齊...  
詩飲...  
十九...

江頭且繫船爲爾獨相憐雲散濯壇雨春青彭澤田  
頻驚適小國一擬問高天別後巴東路逢人問幾賢  
遣悶戲呈路十九曹長

江浦雷聲喧昨夜春城雨色動微寒黃鸝並坐交愁  
濕白鷺羣飛大劇乾晚節漸於詩律細誰家數去酒

孟寬惟吾最一作愛清狂客百遍相看一作意未闌  
隨章留後新亭會送諸君

新亭有高會行子得良時日動映江幕風鳴排檻旗  
絕葦終不改勸酒一作欲無詞已墮峴山淚因題零雨

詩

東津送韋諷攝閬州錄事



聞說江山好憐君吏隱兼寵行舟遠汎怯別酒頻添  
推薦非承乏操持必去嫌他時如按縣不得慢陶潛

客舊館于

陳迹隨人事初秋別此亭重來梨葉赤依舊竹林青

風幔何一作前時卷寒砧昨夜聲無由出江漢愁緒一作秋月

冥冥

閩州奉送二十四舅使自京赴任青城

聞道王喬鳥名因太史傳如何碧雞使把詔紫微天

秦嶺愁回馬涪江醉泛船青城漫污雜吾舅意凄然

愁坐

高齋常見野愁坐更臨門十月山寒重孤城月水昏

葭萌氏種迴左擔一作屯終日憂奔走歸期未敢論

葭萌

十道志曰利州益昌郡土地所屬與文州同春秋戰國時並屬蜀漢葭萌縣地華陽國志曰昔蜀王封其弟于漢中號曰苴侯因命

其地曰

左擔

任豫益州記江由左擔道按圖在陰平縣北于成都為西其道至險自北來者擔在左肩不得度擔也鄧艾東馬懸

車之處華陽國志麻降賈子左擔七里

陪鄭公秋晚北池臨眺

北池雲水闊華館闢秋風獨鶴元依渚衰荷且映空

采菱寒刺上踏藕野泥中素楫分曹往金盤小逕通

萋萋露草碧片片晚旗紅盃酒霑津吏衣裳與釣翁

異方初艷菊故里亦高桐搖落關山思淹留戰伐功

巖城殊未掩清宴已知終何補參卿事一作參軍歡娛到



薄躬

去蜀

五載客蜀郡一年居梓州如何關塞阻轉作瀟湘遊

世一作事已黃髮殘生隨白鷗安危大臣在一作不一作必淚

長流

放船

收帆下急水卷幔逐回灘江市戎戎暗山雲淅淅寒

村荒一作無徑入獨鳥怪人看已泊城樓底何曾夜色

關

淅吟上聲魚吹水貌

哭台州鄭司戶蘇少監

故舊誰憐我平生鄭與蘇存亡不重見喪亂獨前途

豪俊何人一作在文章掃地無羈遊萬里關凶問一年

俱白首中原上清秋大海隅夜臺當北斗泉路著東

吳得罪台州去時危棄碩儒移官蓬閣後穀貴沒潛

夫流慟嗟何及銜冤有是夫道消詩興廢心息酒為

徒許與才雖薄追隨跡未拘班揚名甚盛嵇阮逸相

須會取君臣合寧銓品命殊賢良不必展廊廟偶然

趨勝決風塵際功安造化鑪從容拘一作舊學慘淡悶

陰符擺落嫌疑久哀傷志力輸俗依緝谷異客對雪

山孤童稚思諸子交朋列友于情垂清酒送望絕撫

墳呼瘡病一作餐巴水瘡痍老蜀都飄零迷哭處天地

方曰公入蜀六年  
在成都二年  
在梓州二年  
在夔州二年  
在渝州二年  
在忠州二年  
在涪州二年  
在黔州二年  
在嘉州二年  
在資州二年  
在簡州二年  
在資中二年  
在資陽二年  
在資寧二年  
在資遠二年  
在資安二年  
在資順二年  
在資定二年  
在資平二年  
在資康二年  
在資豐二年  
在資強二年  
在資明二年  
在資靖二年  
在資安二年  
在資順二年  
在資定二年  
在資平二年  
在資康二年  
在資豐二年  
在資強二年  
在資明二年  
在資靖二年

北集卷八

哭



日榛蕪

右二十七篇朝奉大夫負安宇所收

送王侍御往東川放生池祖席

東川詩友合此贈怯輕爲况復傳宗近空然惜別離  
梅花交近野草色向平池儻憶江邊卧歸期願早知

惠義寺送王少尹赴成都

得峰字

苒苒谷中寺娟娟林表峰闌干上處遠結構坐來重  
騎馬行春徑衣冠起晚鐘雲門青寂寂此別惜相從  
右二篇見王原叔本

避地

避地歲時晚竄身筋骨勞詩書遂牆壁奴僕且旌旄

行在僅聞信此生隨所遭神堯舊天下會見出腥臊

右一篇見趙次翁本題云至德二載丁酉作

惠義寺園送辛員外

朱櫻此日垂朱實郭外誰家負郭田萬里相逢貪握  
手高才仰望足離筵

又送

予曾全首

雙峰寂寂對春臺萬竹青青照一作送客杯細草留連侵

坐軟殘花悵望近人開同舟昨日何由得並馬今朝

未擬迴直到綿州始分首江邊樹裏共誰來

右二篇見卞園本

並見吳若本

滄南遺老詩話世所傳士注杜詩有曰新添者四十餘篇吾舅周君德卿嘗辨之云惟瞿唐懷古呀鶴行送劉僕射惜別行爲杜無疑其餘皆非真



本蓋後人依放而作欲竊盜以欺世者其中一二雖稍平易亦不免蹉跌  
至于逃難解憂送崔都水聞惠于過東溪巴西觀漲及呈竇使君等九篇  
無狀吾舅自幻為詩便祖工部嘗與余語及新添之詩則響應之人才之  
目亦無幾矣然論祖





